



HAPŠENJA U OKVIRU PREDMETA "MILAN MATKOVIĆ I DRUGI" SIPA uhapsila četiri osobe, MEĐU NJIMA I POLICAJAC

LJ. RADIĆ

FOČA, TREBINJE - Četiri osobe uhapšene su zbog sumnje da su organizovano prometovale drogu i oružje, prale novac i pripremale ubistvo.

Njih su uhapsili pripadnici SIPA, akcija je realizovana na području Trebinja, Foče, Brčkog i Mostara.

"Izvršeni su pretresi stambenih objekata, lica i pokretnih stvari na sedam lokacija. Slobode su lišena četiri lica zbog sumnje da su počinila krivična djela organizovani kriminal, neovlašteni promet opojnih droga, neovlašteni promet oružja i vojne opreme te proizvoda dvojne namjene i pranje novca, te pripremanje krivičnog djela u vezi s krivičnim djelom ubistvo i krivično djelo falsifikova-



nje isprave", navode iz SIPA.

Prilikom pretresa otkriveni su i privremeno oduzeti predmeti

koji mogu poslužiti kao dokaz u daljnjem postupku i to: mobilni telefoni s pripadajućim SIM karti-

cama, laptopi, računari i određena dokumentacija.

Uhapšeni će nakon kriminalističke obrade u prostorijama SIPA biti predati postupajućem tužiocu Tužilaštva BiH, iz kojeg je saopšteno da se aktivnosti odnose na predmet organiziranog kriminala, povezanog s više teških krivičnih djela, koja se procesuiraju u okviru predmeta "Milan Matković i drugi".

"Među osobama lišenim slobode je i jedan aktivni policijski službenik, osumnjičen za koruptivno djelovanje i iskoristavanje policijskih kapaciteta za pomaganje osumnjičenima u izvršenju krivičnih djela", navelin su iz Tužilaštva.

Akcija je realizovana po naredbi Suda BiH i pod nadzorom Tužilaštva BiH, a u saradnji s OBA, MUP-om RS, Policijom distrikta Brčko i MUP-om HNK.

Aktivnosti se sprovode u okviru predmeta otvorenih u Tužilaštvu BiH nakon dešifrovanja kriptovanih aplikacija, koje su pripadnici organizovanih kriminalnih grupa u regionu koristili kao sredstvo komunikacije.